



Updated 4/1/2021

# Cov Tswv Yim tiv thaiv Covid-19 rau

## Taj laj tsav puam, cov neeg muag khoom, Cov neeg yuav khoom

Cov kev cob qhia kom paub ua raws hauv qab no yog los ntawm lub tuam tsev saib xyuas kev ua liaj ua teb hu ua Department of Agriculture, Trade and Consumer Protection (DATCP) thiab lub tuam tsev saib xyuas kev noj qab hauv hu hu ua Department of Health Services (DHS). Cov kev cob qhia kom paub ua raws yog koom tes tsim nrog rau Kristin Krokowski, yog tus neeg qhia txog cog qoob loo muag (commercial horticulture educator) nyob hauv lub tsev kawm ntawv qib siab hu ua UW-Madison Division of Extension.

Cov taj laj tshav puam muag zaub hauv lub xeev Wisconsin yog ib qho chaw muaj zaub es tseem ceeb rau cov tib neeg tau yuav noj, nrog rau ib lub hwi tsum zoo rau cov neeg ua liaj ua teb hauv lub xeev Wisconsin kom thiaj li muaj kev sib raug zoo nrog lawv lub zej zog. Cov hauv qab no yog cov nqi lus es xav hais qhia rau cov taj laj tshav puam, cov tswv muag qoob loo, thiab cov neeg tuaj yuav zaub noj kom lawv paub xyaum kom thiaj li muaj kev puaj phais thaum lawm qhib muag khoom thiab muaj kev sib tham nrog cov neeg tuaj yuav khoom.

### Kev Xyaum ua kom zoo tshaj plaws

Cov kev xyaum ua kom zoo tshaj plaws yeej pab tau kom tsis txhob muaj kab mob COVID-19 sib kis tom taj laj tshav puam; tsis tas yuav tsum kom yuav tau ua raws. Ib lub taj laj tshav puam twg yuav tsum nqis tes ua tej yam kom qhov chaw muag zaub kom muaj kev puaj phais rau cov neeg tuaj ncig yuav zaub, thaum xav txog tias qhov lub zej zog xav tau yog dabtsi thiab cov nqi lus tau xaj kom yuav tau ua raws (order) tuaj ntawm lub xeev thiab hauv lub zos tuaj es haum thiab siv tau.

### Lub taj laj tshav puav yuav ua tau li cas?

- Txhaub kom cov neeg tuaj yuav khoom, cov neeg teeb rooj muag zaub thiab cov neeg ua hauj lwm saib xyuas lub taj laj tshav puam es muaj hnuv nyoog siab tshaj ob xyoos kom lawv looj daim ntaub npog ntsej muag. Loj ntsej muag mas cov menyuam yaus es muaj hnuv nyoog qis tshaj 2 xyoos xav tias tsis txhob looj ntsej muag los yog cov neeg es muaj ib qho xiam oos qhab es ua rau lawv looj tsis tau lub npog ntsej muag.
- Sawv kom sib nrug deb ntawm tag nrho cov neeg es nyob ntawm thaj chaw ntawd kom deb kom tau li 6 hneev taw deb raws li qhov tau qhia rau txhua qhov chaw.
- Tsim kom muaj cov chaw ntxuav tes thiab/los yog cov tshuaj ntxuav tes kom txaus raws li cov neeg es khwv yees tias yuav tuaj yuav khoom thiab cov neeg muag khoom.
- Txo los yog tsis pub kom muaj suab nkauj, sib tham, ua yeeb yam, teeb rooj qhauj txog tej yam dabtsi, thiab muaj tsiaj yug nyob tom taj laj tshav puam.
- Tsis txhob cia cov neeg tuaj yuav khoom faib ua ob kab kom cov neeg txhob thaiv kev, thiaj li tsis muaj neeg coob.
- Teeb kom cov neeg muag khoom muaj ib qho chaw teeb khoom kom cov neeg yuav khoom thiab cov neeg muag khoom thiaj sawv tau sib nrug deb li ntawm 6 hneev taw.
- Lo tej cov lus sau qhia kom paub sawv sib nrug deb thiab tiv tej daim paib. Yuav tau xav txog qhov es siv duab qhia kom paub los yog txhais cov paib rau hom lus es siv hauv koj lub zej zog thiab cov neeg es tuaj yuav koj cov khoom noj.





### Cov neeg teeb rooj muag zaub ua tau li cas?

- Looj lub npog ntsej muag kom npog koj lub qhov ncauj thiab qhov ntswg, thiab yuav tsum looj kom tag lub sij hawm koj nyob tom taj laj tshav puam.
- Tsis txhob tuaj tom taj laj tshav puam yog tias ntxim li koj muaj mob, thiab txhaub kom cov neeg ua hauj lwm yuav tsum nyob tsev es tsis txhob tuaj tom taj laj tshav puam yog tias ntxim li lawv muaj mob.
- Ntxuav koj txhais tes kom heev es ntxuav kom ntev li 20 xis nkoos nrog rau dej thiab xub npum. Txhaub kom cov neeg ua hauj lwm koj lawv ntxuav tes tas mus li thiab.
- Tsuas siv lub tshuaj muaj cawv cuaj caum ntxuav tes thaum koj txhais tes tsis lo dabtsi xwb; lub tshuaj muaj cawv cuaj caum ntxuav tes yuav tsis pab tau yog thaum koj sab tes yeej pom tias nws lo av tsis huv.
- Sawv kom deb li ntawm 6 hneev taw sib nrug deb ntawm cov neeg yuav khoom thiab lwm cov neeg teeb rooj muag khoom noj yog tias ua tau.
- Li ib txwm xyaum kom muaj kev puaj phais rau zaub mov noj, tsis txhob xuas tes kov cov zaub mov noj es twb yeej ua tiav es tos noj lawm xwb kom thiaj li txo tau qhov kev phom sij tsuas rau cov zaub mov es tsis huv.

### Cov neeg tuaj yuav khoom ua tau li cas?

- Looj lub npog ntsej muag kom npog koj lub qhov ncauj thiab qhov ntswg, thiab yuav tsum looj kom tag lub sij hawm koj nyob tom taj laj tshav puam.
- Tsis txhob mus tom taj laj tshav puam yog tias koj los yog ib tug neeg hauv koj lub tsev muaj mob.
- Sawv kom deb li ntawm 6 hneev taw sib nrug deb ntawm cov neeg yuav khoom thiab lwm cov neeg teeb rooj muag khoom noj yog tias ua tau.
- Tsis txhob cov neeg coob coob nrog koj tuaj tom taj tshav puam. Qhov no yuav pab txo kom tsis txhob muaj neeg coob coob.

### Daim ntawv no kho dua tshiab thaum 4/1/2021.

Yuav kom paub tias muaj vaj huam sib luag kom txhua tuaj tau, thov hais qhia qhov es xav kom kho kom sai li sai tau ua ntej lub caij nyoog sij hawm es qhov program no pib, cov kev pab no pib, los yog ua ntej lwm cov yeej yam (activities) pib. Yog tias koj xav tau daim ntawv no es yog lwm hom (format) thov tiv tauj tus neeg saib xyuas qhov program. Lub tsev kawm ntawv qib siab University of Wisconsin-Extension muab lub hwm tsaum sib npaug zos rau txhua tus txog txoj kev nrhiav hauv lwm thiab rau cov kev pab, nrog rau Title IX & ADA requirements

